

45. PYF Central Dist. thawlom----- 2221
46. PYF Zotang Dist. thawlom ----- 760
47. PWF Tuivai Dist. thawlom ----- 716
48. PWF Central Dist. thawlom----- 1061
49. PWF Lamka Dist. khawmpi thawlom---- 1032
50. PWF L. Gangpimual Antang apieh ----- 360
51. Nu Chinggouman Antang Tongdam----- Kg.50
52. Mualtam Antang ----- 17Kg
53. Muallum Antang----- 60Kg
54. Daijang Antang----- 13 Kg
55. New Zoveng Anntang----- 50 Kg
56. Nu Thangneivah Chini----- 1 Kg
57. Nu Nianngaiching Zomi Colony - Half Pant-2, Puonah-3, Kengko-1, Maipum-1.
58. Nu Chingneikim Central Church atapa Thangminlal in BA 2nd Class a zawhzieh a kipahthu genna - 100
59. Nu Dimneiching Central Church - Tuni tan Pasian nna damtah a septhei zieh a kipahthu genna - 100
60. Nu Chingneikim - Central Church Pasian in Mouhoi tah apiehtha/neithah zieh a kipah thu genna - 100
61. Pa Khamsuanlal EM, MDC Lamka ----- : Anntang Half Bag, Volley Ball-1, Net-1, Kangkal-1, Sweets Packet-1.



Editorial

KIMUDANA HAGAU A PAT KILE KIA VA UI

Khristian Tangkou simtute zousie Mangpa Jesu Khrist min in chibai hoitah ka hing buh hi.

Pa Pasian hepina toh hun leh kumte hing pei tou zel in tu in Hattuumte vaihawmna hun ding ahing nai panpan tahi.

Sepguol hun ah thupi hoitah nei in Hattuum chinte leh ei gingtuten zong tua Sepguol thupi in ahing puina Hagau silpieh hoitahte i ngaituonate uah um zing dingin zong ka gingta na lai hi.

Tua ahina tung a tutung Sepguol thupi in Lamtha kia vai chia ahing theisah leh suhhal kia bang in tutung sepguol thupi gasuo ding a ka dei ahi leh **Kimudana Hagau hoi lou** i neite ua pat in kilemtha, kisiemtha, kipantha, kiguottha kia lei chi ka hing ngen ut hi.

Mudana hagau neiden leh mite pong huotte khu:

i) A piengthah nailou te ahi uhi. Koi tobang Hattuum sung a mi gensie sie mai, mi ahoina lam khat vei zong gen doh sawm lou a, asietnate houlimna zang khu a kam hum theilou bel-tahawm ging mai mai toh akibang giap hi. Lai siengthou in nangma na ki lungsiet bangin na innvengte zong lungsiet in achi hi.

Tami thupi kimudana Hagau ichipen in tulai i gam uh aha zel/susie mama a zong mimal leh khotang khosahna leh Khristiante a dingin zong gingtu tamtah a susie hi. Mangkangte thupil in “mind your own Business” chi thupil hoi zat mama uh a

tua thamlou in eite pen in nangma sep ding leh mawpuohnate ah
kisep kinken in chipen (mind your own business) i zah lou zieh un
bangteng ah iki kumthaw uhi.

ii) Tua thamlou in sakhuo/hagau hindan leh social/tahsa khotang
hindan zong ikhen thei sih uhi, adahuoi mama hi. Mani kithei-
louten mi i muda dieh uhi.

a) Khristian gindan a umte khu gingtu kichi ten (beliver in the
teaching of Jesus) Jesu nuazui ten mi na muda nalai ei? Jesu
itna na thei nailou zieh ahi.

b) Neh leh tah sui na, nasepna leh mawpuohnate ah koitobang
Mission/Hattuum a neh hol, government nasepnate leh, niteng
neh holte mi muda nan i dim nalai uai? azieh nang tup atun lou
zieh hi. Jesu nahil sih chi ki thei in

c) Eima innsung ah na zi, natate nopsahlouna ahau nalai uai? nang
migensie a phunphun hive chin nanleh nang kithei zou lou
mudana hagau a dim nahi

d) Hattuum lamkai hina ah. Hattuum kichi aneipa pen Pasian ahi,
nang na ki neisah seng zieh a phunphun nabou khu midang sil
bawl leh hoi nang bawldoh lou nabawl thei pen ahi leh mite
silhoi bawl sate gensiet teitei ding Bible a Pharisai ten tam
bang in ana gen hi.

(Mathew 23:14-15 ah enlei) “Nou dansiem Syete leh Pharisaita
milepchiate aw, dahuoi ma uchie izo Meithaite tungah noptahin
a inn uh nasan na bulu un lah mi zah siet in sawtpi pi thu nagen
un, na tung uh gih semsem man ve izo 15 Nou dansiem Syete leh
Pharisai milepchiate aw dahuoi ma uchua, phungkai ding khat
bembom suina in tuipi gal na kan un, na mu sun chieng un zong

21. Zomi Colony PWF Anntang ----- : Kg 58 Sum 200
22. Zomi Colony PYF Smartpant 6, Kamish 6, T. Shirt 4, Half pant
3, Frock4.
23. Lentang District PYF ----- DVD Player : 1
24. Buhsau Hattuum ----- Anntang 40 Kg.
25. LDCC Hiangzou ----- Anntang 80 Kg.
26. Bohlui PWF ----- Anntang 28 Kg.
27. Tuining PWF ----- Anntang 40 Kg.
28. V. Bethel ----- Anntang 31 Kg.
29. Esther Shillong ----- Alu Bag Khat (1)
30. Nu Thangneivah Lailamveng Umme, Bete, Anphui, Ngatin 2,
Bread nethei
31. Daijang PWF ----- Anntang 12 Kg.
32. Behiengtung ----- Anntang 20Kg
33. Mualtam PWF ----- Anntang 17 Kg
34. Nu Chingdeiching Buhsau ----- 200
35. Nu Chingzavung Zomun----- 110
36. Zoukhonuamm P. Church ----- 1000
37. PWF Tribal Colony Anntang apieh ----- 2500
38. Nu Thongniang Thingkangphai ----- 50
39. PWF Hiangdung Anntang apieh ----- 540
40. Tombi Zomi Colony ----- 300
41. PYF Tuiningkual dist. thawlom ----- 160
42. PWF Teisajiang Anntang apieh ----- 600
43. Nu Chingboi Anntang apieh ----- 100
44. PWF-PYF Sualam Dist. thawlom----- 366

ZPWF COLUMN

9th August - 23rd September 2013
Tunnu Limbel

1. Pa Khaikhanthang Lailamveng ----- : 100
2. PWF Zomi Colony ----- : 200
3. Nu Chingneisiam Lailamveng ----- : 500
4. Upa Kamdong LDCC Hiangzou----- : 500
5. PWF Mualtam ----- : 250
6. Flora Hatnu UK ----- : 121,000
7. Nh Hoipi Tuibuang ----- : 2100
8. Pa Khupdou Sangaikot ----- : 100
9. Pa Jamchinthang LDCC Hiangzou ----- : 2000
10. PWF Tuining----- : 500
11. UPa Thongkhanthang N. Khaukual ----- : 100
12. PWF Belpuon----- : 400
13. Nu Vahneilhing Central Church----- : 100
14. PWF Daijang----- : 80 (with 12Kgs rice)
15. Upa Langginmang Central Church ----- : 100
16. Zou Heisa F/C Lamka----- : 750
17. (L) Upa Liankhomang Muallum ----- : 200
18. Nu Vungzaman Muallum----- : 100
19. Zomi Colony Sepguol kikhopte panpina : 1225
20. Bualkot Anntang ----- : 30KG

nouma banga a leni a Meilipi lut dingin na siem un” Tuazieh in tuni a tami Khristian Tangkou simtute zousie Pasian min toh iki ngen in kimudana Hagau topsan va ui. Kimudana Hagau hoi lou in Khristian nidang lai in zong ana sumelsie mamata a tua thamlou in zong kituohna ki itna kilungsietna gate/chite a tu thei sih uhi.

Tuate bang chibang a hing pieng ahiei i chi chiengin leh Mangpa Jesu in Pasian a te Pasian pia un len Kaisar a te Kaisar pia un ana chi pen i theifel lou zieh ahi. Tua i theitel lou chieng in leh Hattuum vaihawmna leh gam khat kivaihawmna pen i mehbet uhi. Tami gamkhat vaihawmna pen (Social-Politics) ahi a, ahin Hattuumte vaihawmna pen Hagau mapuina toh Pasian toisang a Jesu sepban sem dingte ihi uh. India Government vaihawm ding a BJP, Congress te chibang in Hattuum vaihawmna a Manifestor tuomtuom a um-sih hi. Mangpa Jesun agendan leh Menifesto ahi leh nangma na ki lungsiet bangin na innvengte zong lungsiet in chia ahing zilsah bang in tu apat Jesu Khrist sepban sem ding a teltuom a um ten kimudana Hagau shisah va ui in, kilungsietna, kihepina leh gam-miel mangthaite veinatna lunggel nei leh midang muda manlou in Jesu sepban sem in a gam i kehlian ding uhi.

Mangpa’n simtute zousie mudana hagau hoilou shisah a itna hagau thasah chiet dingin hing guolzawl taken.



THU TUOMTUOM LEH THUMPI DINGTE:

1. Apeisa August ni 30 in MGP Golden Jubilee hall ah Zou Synod Mission and Evangelism saina nuoi ah Sunday School Teacher's Training & Evaluation Programme lawchingtah in zahzaw ahi. Khochin apan palai mi 60 val bang tel uhi.
2. September 28-29 sung in Zou Synod huong sunga District Head Quarter chin ah Sepguol kisuhtuona Pasian hagau pawlna toh anuom thei pen a man ahi.
3. **THUM IN! KISA KHAWL IN !! TEL IN!!!**
 - 1) District chin PYF kumsim khawmpi October 4-6, 2013
 - 2) District chin PWF kumsim khawmpi October 11-13, 2013
 - 3) District chin Pate kumsim vaihawmna khawmpi October 18-20, 2013
 - 4) Presbytery kumsim vaihawmna khawmpi November 8-10, 2013
 - 5) Zou Synod Vaihawmna khawmpi December 12-15, 2013
4. I Khanglai sunga Delhi khopi leh Centre tuomtuom a, UPSC, MPSC leh Centre Service exam pedidnga kisakhol Coaching mun tuomtuom a telte adin thum vawi
5. I Zou Nampi sunga vaihawmna lam mawpuohna neite adiehin UZO, ZYO, ZSP leh thusuolam saitute a din thumpi vai.
6. Upa, Pastor leh Evangelist nna semte a dingin thumvai.
7. I gam sunga Contractor leh Social Worker nna semte a din thumsah vaui.
8. Zou khosuona hausa (Chief)te a din thum va ui. Ama uh ten khotaga, genthei liengvaite itna toh amanpha theipen a ang kep theina dingin.
9. Outside Manipur a i Hattuum dingkhie Delhi, Bangalore leh Sillongte a din thumvaui. Ama uh enkawltu Pastorte a din

apat puohnat ahuoi a mimu din zong zumhuoi kasa hi.

CHIPEN= Hichi lawmlawm a thunei utnate leh thasie biel tuonngap nonloute ihi uh chi imguollou in kilan ghi. Hattuum sunga thunei nate Pasian sum utdan dan a chailai nate Bieltuom ngap nonloute ahileh Setan deidan ahia, Pasian deidan hileh keilou ahi chi thei in Hamsiet a i um masang unhamsietna khel a zauhuoi umlou ahi. Noah in Kanan asietna dan or pap ahileh agam uh lahsa ding thagam siengding akhang akhang a Pasian mite lah a akihellou ding uh chi hitazen. Khovel a tuolthat masa **KAIN** Pasian in ahamsieta a Practical in zil nai sih nanleh athu maimai zong ngaingamlou ahi. Practical tah atuoh in shi ut nanleh imtheilou

hing utnanleh hing theilou Pasian hamsietna thuoh hah uh e maw **UNAUTE** i gen utpen chuh i Pasian nasepdante un Missionary lungsim neinon lou chi atunga thute apat mukhiet in aum a tuaziehin hamsiet a i um nuasang i Pasian kungah kilekia vai in aman thatha Muvanlai thabang ang guon ut ban ah Missionary lithuhlam a lensep din **CYCLON** apat Isareal te Izipt ah im kot bieng a atal uleh peikan a aum bang un lamvaai Pasian mite vang in **CYCLON** apat kepbit in i um lai uh chi Pentecost nin kachieng ahi. Tuaziehin igam Pasian in akembit lai ahi chi igeltha a ama deidan leh ama kipahna lam silte gentel kawm a theitop sua a i lithuhlam chiet ua lensep dingin athu guolzawl taken Amen.



lenkhau ahibang a thu nasepna lawchintheina um sun ahileh Jesu bou ahi.

Amen, Amabou inichin hinkhuo mapuitu Jesu ahiding Laisiengthou sim gige in ilampi hing tanvah ding hi. Sienmang sieng thum gige in setan in hong zoulou ding chi laa ila uh ahi chia sakhethei pan ding ihi. Theibe dia hoi ahileh sakhetna leh ginna nasepna ahi. chipen= Hundamna leh piengthana theibuoithe i ahi banga sakhetna leh ginna nasep theibuoi thei ahi.

4. Missionary lam = Hunkhat lai a thangkaai gam leh adangdangte vei a pantheina chiet a pan ilah laite theiloukal in manga matphah ahinon sih a langkhat lam ah lam tuomtuom a ikhan a ikikhel dungzui in M & E lam ah ikikhelna ahoilam a kikhel hilei hoi ding hi. Ahoilou lam a ikikhel komkal ah Barden tute thumna ahileh genkhiet a luongkhiet ding chi ahidung zui in tun IEM a isep ban ah FMPB leh eima theina chiet a a sem ding dinmun a i umkia zieh un Pasian min iphat uhi.

Bangziehin = Gammial Lithuh lam a isep lou zieh a

sangtampi ten amanthai na pap koi maw adiai koitung ah atudiai gammial veilou kichi bang zieh adiai Hattuum pawlpi dinsah bang adiai, Eiloi ihi leh imulou, phonhah kigente bang ihi zieh a hichi ihi khah vai ihichi zieh un ingai uoi, ikipah uoi hichi bang in tunzong i solkhiette uh alawchinna thuguh ding uh ahileh Zou Synod te thumna ahi. Bang ah na pang diei panthei nang lampi tampi um hi. Amabou kumton gam a lungsim nga a tuamun a gou khol dia chiemte siemtan nahileh ut leh da umlou zawn leh hau umlou pil leh mawl umlou in nahithe bang zel a na pan ngai ahi. I itna ziehin aman, tuaziehin Mission & Evangelism lithuh lam a lensep louten sep vai in asepsaten sepzel vai in hoizawsem lienzawsem a sep din nang leh kei ang dei hi.

Ithuzaw na ding un Nehenia in akhut langkhat a nasem a akhut langkhat a 'phaw' atoi bangin ikhut langkhat in gammial lamna semva in langkhat in ihina leh idinmun bangzel in theitop sua tavai chi pen **UPA CAMP** thupuon tangkou **APRIL-MAY7** **ISSUE** Page No.3 na kasim khah

zong thumsah vai, I masan ah Mumbai, Chennai leh Gauhatite i lungsim vision ah nei vaui.

10. Apeisa September 10 pen Zou Synod Day amanpha thei pen a izah thei chiet ding uh kilametna lienpi toh lungdam thu kang gen uhi. Mangpa'n thupina tang hen!
11. Tv. Tangminlien S/O Upa Henzakhup Zomun a um in Asstant Commandant ang mu ikipahpi mama ua, Aman a halaw (Pay) masapenb, gamasa ipawlpi a ang pieh na tung ah ilungdam sawnsawn uhi. Mangpa'n ama leh a innkuonpi te guolzawl taken.!
12. Pasian umpina kilamen kawm in October 25-27 sung in Zotang District Head Quarter Muollum ah Zotang District kum 50 tan Pasian in apuitung na Pasian kunga nuomthu genna Golden Jubilee zang ding uhi. Thumpi chiet vai.
13. 8th October 2013 niin Zou Presbyterian Church Synod Thing-kangphai Biehin honna Rev. Awnkhankhup Moderator ZPCS in Honna nei hi.

✱✱✱

Akizah dan tuomtuom

- * Local a sum kem (Treasurer) in 1050-2001 sung teng ana pang hi.
- * Muallum Hattuum Local Chairman in 1978-1985-sung teng ana pang kia hi.
- * 1979 apat in 2001 sung teng District sum kem (Treasurer) in ana pang kia hi.
- * 1977-1978 sung teng District Chairman in ana pang hi.

Tam leitung gentheinate leh natna thuoh nawn lou ding in dt. 10th September 2013 vel in a it aji, angai, innsung mite, Hattuum mite leh alawm, aguolte nuasie in Pasian kungah atawldamta hi. Ama hing muolliem sanna tung ah Zou Presbyterian Church Synod in i suunna thu uh tami i Khristian Tangkou ah i phuong hi.

Reports

*Imphal District, PYF kiphukhietdan
- Suongliankap, Convener*

Date 18th August 2013 (Pasianni) in Lamphel Presbyterian Church mun ah, Rev. Khupkhansuan leh Mr. Suangliankap, Convenor hina nuoi a Imphal District, Presbyterian Youth Fellowship (PYF) phukhiet ahita hi. Rev. Chinzamang i/c Youth Executive Secretary leh aloite mini leh Imphal District, Secretary Upa Mangminthang ten zong ahing uappi uhi. Unit chin apat member a peikhawm hi. Kikupkhawmna sawttah nei ahinua in vaipaw ding kitelna nei ahia, tam anuoi a te term khat sung a Office Bearer dinga telching ahi uhi.

Office Bearer (2013-2015)

- | | |
|------------------------|---------------------|
| 1. Leader | : Mr. Suongliankap |
| 2. Assistant Leader | : Mr. Mangminthang |
| 3. Secretary | : Mr. Zamlianmung |
| 4. Assistant Secretary | : Miss Gracy |
| 5. Finance | : Mr. Mangkhanthang |
| 6. Treasurer | : Miss. Manneiching |



pa hunlai in Lawki nanleh uh a quality uh ahia, tu khangtha hun ah tapidaw nanlei i quality uh hilou ahi chitah tasang a khohzaw ahileh Dawi havangkal ah 1 leh 2 toh umsunte etton leh malah in pampai in aum ua, totchil lou din pamai isa ua hinanleh ama leh Pasion kal ahoina dia Pasion lemgel ahi lam ithei sih uhi.

2. Lithu lam ah ngalian um hi:

Zaan tungton a ase uh hinapi bang zieh ah man lou uh e ichi leh Nga um namun hilou china ahi mai hi. Eiloi zong hitanvei Hagau lensep a ikingai vang in a Result mu ding umlou maithei hi. Azieh ahileh Pasion kipah dan leh adeidan a lithuh lam a ngalian umna mun ahisih china ahi. Tuabang dinmun a adinlai un bang ang chita; ichi leh Jesu Pasion ahiva kilahna lah hikawm ang gingta tah tah na uai achina lah hikawm thu amang ua uai chi a etkhietna lah hikawm ding leh Ngalian um na mun akhuh khah ding uh deisahna lah hikawm in leh Jesu ahina tah amat ding uh deina ziehin Lithuh lam a lensep dia asol bangtah a ase ma uleh 150 tah aw vialvuol mai hi. Tami

thu in agen ut ahileh Mimal vai ah

a) Kata nalungsim hing pien chi pan alungtang tahtah in ang gingta na uai chi theichien talua hi. Pasion thu kichi mutheilou a sunggil lam a muthei lou Pasion toh ikizopna pen ahi apoimaw pen.

3. Lithuh lam a lawchin thuguh:

Alawchinna thuguh uh hunkhop igen zouta a ahin igen nailou chi 2 genlai lei chi ihi.

1. Alen uh ahoi zieh ahi a
2. A len uh akaina khau ahoizieh ahi.

Nga tuaza a oh nua agei ua tetoh kithua zen a akai uleh alamet khel lan uah a man uh ahi. Bangzieh adiei=Alen uh ahoi zieh ahi chi kilang hi. Tualou ah alen uh hoi sawm leh zong a kaina khau hoi sih leh tua ithupi uh buoipi khalou mai thei ihi tuaziehin alawchinna thuguh uh ahileh alenkhau uh ahoi zieh ahi chi imguollou in kilang hi. Tami ahi. Keima toh na kizoplou uleh najaa thei sih ding uhi chia Jesun kizop zing dia ang deina laitah Chipen=Alawchinna thuguh uh

LITHUH LAMAH NALEN SEP IN

- Mr. Mangkhanpau
V. Bethel

Date 31-01-2013 zaan dah 8:00 vel a Z. S. P Annual Magazine
Dr. Rev. Dongthong laigel **PASIAN NASEMLOU NAM OR LENGGAM AMANGTHAI DING HI** chi 3vei kasim zou in kalungsim aluodim komkal ah ithupi uh pieh ka um a, Pasian aw ahi chi kachien bep in nuamthu tutna in azui a, tuaziehin Pasian kunga kipahthu genkawm in houlim lei chi ihi.

BACKGROUND = Jesun anuazui dia ahat atel vangam chabi akepsah asilamdangbawlte mit a mu theipitu dihluo hikawm a umte Kross thuguh zieh a Eden bawsietna phelkhia a hundamna piengthana nasem dia leisiem chil apat guotsa belamnou khat in anuazuite kung athuoh dan ding aneidan ding kaithaw a aum dan ding tengteng A-Z a agen zou anuazuiten anuaatol sannua ua zaidam tah leh zangaitah a akilah lai a siltung ahi chi imguollou in kilan ghi. Amabou Tami thu apat zildia hoite ahi leh

1. Anasepna mun ua ginum chitah kukalte ahi uhi:

Zaan khovah zen a alen uh asuhse atouse vang un aman sih

uh chi kilang nanleh anehsuina mun ua ginum chitah, kukalnate a a quality uh ahi ziehin bang ang chitai uai ichi leh lawsapna khu lawchinna kalbi poimawpen ahi chi amaban uh ang hita hi chi pen (John 21:5). Naute aw khatbeh manlou nahi uoi ma chi Jesu dohna ahi dungzui ua amatlou dan uh ahil zou in Jesu thupieh ahileh kuonggei lam ah nalen sep un themkhatna man ding uh chi ahi Tuazou in lawsapna khu lawchinna kalbi ahichi kilang hi. Tami thu in agen ut ahileh Ginumna chitahna kukalna toh kithuomte lawsam nan uleh lawchinna in azui chi ahi. Tami thuteng ahileh ig am in atahsap pente lah a khat ahi chi imguollou i kilang hi. Pu leh

HUNDAM tate HINKHUO

- P. Khaichinmang
Tongdam Presbyterian Church
Lamka Dist. (MGP-ZPCS)

Thumapui: Tam atung a thulu “Hundamtate hinkhuo” chi thupi tungtuong mihingte shi nua chieng a kumtawn hinna tang dingten, leitung a damsung ua ahinkhuo zah dan, muthei leh mutheilou, akilang leh akilang lou a gin-umna hinkhuo ahi ziehin, ihinkhuo mandan ah pilvang ding poimaw mama ahi ziehin tam anuoi a bang in itahlang ding uhi.

1. Government or Private:

Government nasemte lah ah Sepai ten a zi atate/anu apate nuasie in, asepnna mun ah gin-umtahn na asem vevaw uhi. Govt. & Private a nasemtute’n zongakhente in law (pay) ala uhi chi lei lungthah va un, ahin adih ahi. Tuabang a gin umtah a semtute Pasian in akhang akhang in aguolzawl a, innsung ah kin-ingchinna a pieh ban ah hasatna hunteng in amauh a pumpel hi. (Sam No. 112:1-4).

2. Siempute:

Thuhun lui a Siempu ichite khu tu Thuhun tha ah Pastorte ahi uhi. Amaute khu ahina dihtah “Tungtuong” chi lei hagau gah chikim neite ahi zieh un, i Synod ah sepna mun ding aki ngaituoh chieng a, ahamsatna mun kituh vapuolte ahi uhi (i.e.) I Synod in Pastorte/semtute a umna ding mun a guotna mun ah, azi atate/anu apa nuasie in thanuomtahn in a um vevaw uhi. Aziehpenn, Pasian khu silbangkim bawlthei ahi chi agingtat zieh uh ahiban ah khovel a Govt. & Private semtute bon in tam

bang a nasem ahi zieh a ngaituoh chieng un, amaute asun, asan umlou in, kitawldua manlou zen in, Mangpa na asem vevaw uhi. Law(pay) lam enlou in, Van lam silte ah alungsim uh angah zieh uh ahi. Tuabang a nasemloute khu hundamtate chi thei ding idiei?

3. Hattuum Upate:

Hattuum Upa kichi khu (I Timothy 3:1-13) tuabang mite ahi zieh un, amel uh i et leh Khrist mel apuoh uhi. Amaute pen hindan hoi leh thudih mi ahizieh un, michin in zatatna lienpi inei chiet uhi (i.e.)

a) Sawm-a-khat michin in pe nanleizong, pieh kim sipsep ding in , akhente dih leh zong, atamzaw te dihkim ding in gingtat ahuoi diei? Tua Hattuum Upa ichi te pen, Sawm-a-khat pieh lam ah kimsipsep ding in chichin, namchin in agingta uhi. Tua bang mi ahilou leh “Hundam tate” ichi thei paupau diei? Tualeh mah in, Hattuum Upate pen apieh a pieh lam chau adih hilou in azah lam ah zong mi zousie in adih leh ahoi ding a muonngamna a nei mite ahi ziehun Hattuum Upate khu tua bang

mite ahi uhi. Ahikha lou leh vang thei zou sieng e.....!

b) Silpieh leh nasep lam ah mi kithalawp vawt mi ahiban ah a belamte genthei liengvaite aneisa Pasian in apiehsa pe bei ngam ding a hinkhuo mang/zang mi ahizieh un (i.e) mi zite, Meithaite toh zong gen banglou, siengthou kikkel ahi zieh un zatatna michin in apieh hi. Aziehpén a belamte dia shi ngap ahi zieh uh ahi. (John 10:11-16).

Thamlou in, Pasian in akhang akhang a Juun ahi. Akhang akhang a guolzawl na pepa/pethei Pasian ahia, akhang akhang a muisah thei leh azung phungkal thei khu Pasian ahi chi a zau zieh uh leh agingtat zieh un, sum leh pai ahiding bang tahin apeisah uhi (i.e.) Sawm-a-khat te sawm-a-khat ah, Building fund te building ah, Missionary fund te leh adang dang a hiding bang tahin apeisah zieh un, Mangpa i Pasian sil bangkim bawlthei in aguolzawl hi. Tua bang ahilou kha uh leh Bible simding a hoivawt Jeremiah 17:7-8 & Sam No. 1:1-3 lebul inlen, Jeremiah 17:10-13, Sam 1:4-6, I Samuel 2:25, Nasepte 5:5 tamteng lebul

thoukia Jesu min a kipie Hagau siengthou in pilna thuguh a nei a, Hundam kipahna mai in pilna leh silbawltheina atun zawlou ziehin Welsh te, Khasi Jaintia gam a na tung Champhai pasal thumte’n Mizoram a ana puohlut, Hagau pawlna Zou Synod sunga ang lal theina ding in mihing theina koi khie

in Hagau pilna tawh Pasian ki theisahna tan sawm in (Rom. 8:15; Job. 42:1-5). Pasian thu dong va ui.

Genkhiel tampi um khahlehu, Mangpa’n ei ngaidam henlen, Hagaulam pilna tawh simtu zousie ei phungvuo chiet taken. Amen.

—*~*~*~*

Suunna

Upa Liankhomang tanchin tomkim

Upa Liankhomang 15th October 1942 kum in Muallum khuo ah ana pieng hi. (L) Ginkhozam leh (L) Nu Chingzanian te Pasian in guoljawl goutan ta leh pasal lah a atah pen ahi. Tualeh sanggam pienpi laizom numei ni anei hi. Tuachin 1953 tan Convention Hattuum a School ah taan (2) tan ana sim hi. 1957 kum ma in Convention School a kisuon doh ziehin maban ana sunzom thei sih hi. 1957 kum ma in MGP Hattuum phut in ana pang hi. Muallum khuo ah MGP Hattuum kiphu apat in Hattuum sung ah mawpuohna tampi ana tu hi. Dabsat, Khuongtum, thugen chite leh atuomtuom ah mawpuohna ana tu hi. 1953 kum in Jesu Khrist ah hinna tha anei hi. 1958 kum in Rev. Vungdal khut apat in Baptisma ana tang a, tualeh 1959 kum in Pasian dan siengthou in Upanu Vungzanem toh Rev. Vungdal khut a ana kiteng uhi. 1976 kum in MGP Muallum Hattuum ten Upa (Belampu) ding in ana tel ua, dated 3/3/1977 kum in Central Church ah Ordain ana tang hi.

kawikawi helpawl (ferrorists) te mat khiehna ding.

b) Kumpi sol, Tax hoitaha pelou, mihaute thei chet theina ding,

c) Vote khethei bangja phata chi theina ding.

d) Gam sung abuoina bawlmi a um leh, Permit hoitah neilou mite mat khiehtheina ding

c) Malai hunbang lou a Computer vanzah tawh alamdang pipi bang ana bawl maimai uh ahia; deitelna inei thei ua, gumnaw na (forcing) a um sih hi. 666 vang in deitelna anei sih a; gumnawna toh ban ziet ahiei, talpang (forehead) tungngei alangta a kinam (sealed) ngei ding ahi bou hi (Rev. 13:16,18) sim in.

2) 666 kihawm hun ding:

1) Tam hunchiengleh Hattuumte khu Van ah um zouta va.

2) I Thes. 2:3 i et leh:

a) Puasanna tungding Mangthai tapa, Dan botsepa hing kilang masa ding in tuazou chieng a 666 zah hiding deitelna umlou ding, aneiloute leithei lou, zua theilou ding chi ahi (Thup. 13:17).

b) Tam number khu banziet

ahiei, talpang (forhead) a gumnawna tawh pieh ahiding a muthei tahsa tunga um ding ahi (Thup. 13:16).

c) Tam number khu gamsa min luong a mihing number ahi (Thup. 13:18).

d) Tam number khu Greek ham in **"VICAIA, VIDIAS, FELLIDEI"** chi ahia Roman Number tawh akisuhtuoh leh thumal thum tawh a kituoh a 6-6-6 ahia, bangkim bawlthei Pasian demtu Manglukhu tunga kigiel laiteng khu ahi hi. Tam leitung Mang thupipa tuin ang kilang nai sih hi (Webster New World Dictionary, Peake's Commentary on the Bible) etc.

Gen ding a tam a, tam thu tawh kisai in 'Pilna' (this calls insight) a poimaw hi chi ahia, Daniel 7:8; 2Thess. 2:3; Thup. 13:15-18). Tam hun tun chieng leh Biochip leh Microchips tawh tahsa sunga kaplut (injection) thaw hilou a force tawh tahsa tunga chiemtena pieh ding sil ahi bou hi.

Simtu, ginna a ka unau, tam thute tawh buoi leh zauthawng ching lou in, itang dinga shi a

da le chin bang ka chi ei....? bang na chi ei.....!?

4. Lamkaite:

Lamkai ichi chiengin, Lamkai alienpente khu ahihna chi ding hi lei "Penpen" chi ding ahi man in ei gingtute/hundamtaten lamkai itel chiengun, Pasian adia genbangloute itel uhi. Itelte zong tuabang mi ahi zieh un, Pasian in

ama uh apui ngei ding i lam-et uhi. Tuabang a apenpente ahi lou uh leh "Lou" belap angai ahi ta mai a, "penpen lou" "Hundam tate hilou" chi ngai ahita zieh in, ahun a um lai pet in hundamtate hinkhuo mang/zang ding in Pasian sil bangkim bawl thei in simtute zousie leh azapha zousie guol hing zawl in vang hing buoh taken. Amen.



Thuohpina

(L) Upa Lienkhomang (71)

Midihtatte amang zel ua, koiman lungtangen angaituo ngaisih hi. Zangaithei mite zong lahmang in a um ua, sil hoilou hing tung ding a kipat midihtatte lah mangin a um uh, chi koiman angaituo ngaisih hi (Isai 57:1).

- Khristian Tangkou
Editorial Board.

KIZAH DAN KILAWM

- Rev. M.G. Nehlian
Biel Pastor
Central District (MGP)

Sil bangkim ah akilawm leh akilawmlou a um thei ma bangin, igam a Pasion Siempite kizahdan ka et chiengin, mi tamtahte'n zahdan kilawm tah a zang thei a aumlai in alelam ah zahdan ding theilou leh zahdan kilawmtah a zang thei nailou i umna ah mipite hi in amau (Siempite) hileh ithei dingun themkhat i phat-tuompi lam-en in tam nah ka hing tahlang hi.

Mihingte apilpen zong bangma theilou a mawlpén a dinga hing ihi ua, i tempaina kibanglou leh tuom chiet ahi-man in, khat bawltheilou khat in i bawl zel a tuachin lam in i khosa tou uhi (Man is a social being). Eima ding mai ngaituona toh mihing koima ki khosa theilou hi. Tua ahiman in iki awlmawna, ikihepina, lungsietna leh itna, kingainatna a khansemna dingin iki zang tuo uhi.

Bielsung enkoltu Pastorte zong hazah a zah sawm ding ahi. Tuachileh Biel a um mun mai ding uhi. En zah sawmlou in gengen mai chi zong sil kilawmlou ahi. Tualeh Bible sungthu a i buoinate, Counselling i poimav a lungkham mangbat ituo hun

ah lawchinna nopni vaiguon inei hunte bang leh inn Honna, naulat, mouhahna, damlouna hunte a zah thei zing ahi chi mipite'n phawh hunta hi. Ei a ding guoljawlna hing ngetsah a lawchinna mailam a i nei zel na dinga Pasion kunga palai hina nasep bawlte khu kepdan isiem ding poimaw hi. Mitamtah Pastorte ah lametna anei seng ua, amau lampang a zong Pastorte tungah bang bawlthei kanei ei chi ngaituo mawngmawng lou zong ki um thei a, igen ut pen khat ahileh Pastorte'n mipite akep ding, mipiten zong i Siempite i kep ding kikeptuo ding china ahi. Pastorte Pasion ibahsah khah ding zauhuoi hi. Amau zong mihing ahi. Tuazie-

Biometric Census

leh

Zaguh, sawmguh leh guh (666)

- By: Upa T. Langkhanmang
Tuining Presbyterian Church
MEP, ZPCS

Pu Editor leh Simtute zousie, min tungnung, Jesu Khrist, I hundampa min in itna chibai kang buh masa uhi.

Kum sawm dan zel a India kumpi in kisimpina a bawlina ah; Mittang, khutpi leh khutmeteng Computer tawh Scan bawl a, limlah (Photo) na tawh min a sim khu mite'n 666 kipatna ahi chia ngaidan a nei a, azau thawngpi ziehin thudohna phabep ka na dong kha hi. Thu ei dong khavetlou, Hattuum leh khotang ah koitobang abuoi kha um dinga ginna nei in, ibuoipi louna ding deina tawh tam hilchetna kang lui hi.

1) BIO: Greek ham in, 'bios' ahia, 'Hinna' (Life) or mihing pundan china ahi. Latin ham in 'Vevere' ahi kia a, 'Hing' (to live)

ahi hi. Tam kammal ni kigawm a akhietna khu 'Hinna, mihing pundan' china ahi hi.

2) Metirc: Tena 'bangza pha' china mai ahi.

3) Census: Minkhum, sim ahia, tam thumal thumte khu tuhun, Computer khanga kizang kammal (Computer Age) ahi hi.

"Biometric Census" "Mihing pundan bangtan apha tai" china ahi hi.

2. Biometric Census leh 666 kilandan na:

i) Biometric Census siltupte:
a) Gamkhat pan gam khat, mun khat pan mun khat a kiphuol

“Belampu amaw ua, Mangpa adong ngai sih ua, Tuaziehin ma asawn sih uhi. Abelamte uh akithezah siengta”.

Lungkham huoina khu a dinmun ahi. Mikhat in Bawng honkhat ching hen len a bawngchin teng taimang beita leh alung akham ding hi. Sang Sye khat in a sanginn sung a anaupang teng sangkai tawpta leh lungkham ma lou ding ih ilousanpa khat aloulai a buga anga teng gielin khe beita leh anui ding amah? Na innsunga ta leh nau na nei sunteng hillou, saplou in amau thuthu in vah-mang chiet in vahmang thah chiet uleh koipa e, koinu e khohsa-lou a um thei ding? Tambang dinmun ah neitu hina mopuo kisa pouma in khohsa in ahoina ding ngaituo in a *ningai* mama ding uhi. Neitu kisa leh mopuo kisa khat poupu in Jer. 10:21 tawbang dinmunte akitheimaw bawl thei sih ding hi. Nahsah lou in umvang chilezong alungsim gil tahin aphalthei sih ding hi. Shileh khohsih, mang leh khoh sih chi a umtah leh lah John 10:12-13na te banga “Nehthalaw Belampu” in amo-

puohna feltah a zaw asawm a, anua ama gasuo leh suohlou pen akan nawnsie, ga in hut leh zong khoh asasih hi, alaw amutah ahi ziehin.

Pasian nasem ichite khu hibanga lungsim pudanga pan khah a nehthalaw Belampu hiding pen chizathuoi mama hi. Tahsa sil ah gentalei halaw sanga nasem khat poupu NETHALAW a sem ahi. Halaw sang nehthalaw sem hitama leizong ei hing siempa leh hundampa i Pasian un kemtu leh nasemtu hiding a eihatna thute ingaituo phat uh kiphamaw mama hi.

Tunglam a pat a hatna in ma ikipuisah ding ua, tuazou chiengin nasemtu khu law mutah ahi, chi thu ah ki um chiet leh i dinmunte uh dihthei kha ding hi. Pasian in himi nasem dingin keima hing han hi na chiei? Awleh ka mawpuohna kazaw a ka mupou leh huntou na chiei? itang tel uah Jeremiah in agente khu tunglam HATNA ana gelkhoh khah loute nasepna hileh kilawm. Tunglam hatna ngaikhoh khalou Belampu khu Nehthalaw Belampu ahi.



hin Hattuum leh khotang (Organisation) tuomtuom a Pasian loupina ipieh ut zieh un Siempite i zang leng ua, a “decoration” leh a “scenery” mai dan a hilou i duthusam ahi. Tua izahdante uh enpha in, kilawmtah in zang thei chiet lei china toh amaute thei ding zong tahflang kawm in tamlou igen ding uhi.

I. MIPI THEI DINGA KILAWM:

- a) Ei hing Bieltu Pastor penpen a min, a umna a Contact Number (aneileh) tamte kichiemteh ding ahi.
- b) Mimal hi in, innsung hitaleh Pastorte panna ding um a, Vaiguon i sawm chienga ahun masang peh a kimupi a, theisahna bawl ding ahi. Programme dang toh kisutuo dinga vaiguon tup lou haam sawm ding ahi.
- c) I vaiguon a hoithe semna dinga bang ahithe ngiel leh a ngaidan bang lah selou hi.
- d) Vaiguon detail, ahun, ani, bang toh kisai, Honna/latna? ahi sihleh lawchinna kin maw? chite theisah ding ahi.
- e) Neh-le-dawn i bawl dingte zong theisah a bang a nethei ei? Neh theilou anei amah? chite thei masah a ahuntah chienga buoi lou

ding ahi.

- f) Vaiguon a Siempi khat sanga tamzaw bang i chiel leh ahisihleh mipoimaw dang toh i zah leh a Programme zil a silpieh i bawlleh a ni ua bawl kilawm hi. Khat bawl a adang bawllou pen mipi et a sil kilawmlou ahiman in i bawlleh bawltuoh ibawllouleh bawllou tuoh hoi hi.
- g) Tambang silpieh (Gift) i bawl ding le zong i manghil louna dinga chiemtehna kibawl a hithei leh vaiguon kipatlam deu a bawl ahoi hi. Programme tawp kuon a bawl sil kilawmlou hi.
- h) Pasian Siempite chielna ibawl chienga amauh umdan nopmaw sah thei ding item te bang zong zetel khah ding kiven hoi hi (e.g. Love song thanguoite bang kilawmlou hi). Khotang hinanleh Pasian laa ngaitah sah thei ding um a, tualeh khotang vaiguon ahizieh a, Zu nam teitei ding, love song pang lou leh buchinglou chi ngaidan (concept) tawpsan hunta hi. Khotang function te a gospel khah ding zaulou ding ahi.
- i) Zanni a lawchinna ding ua na thumsah in tunia ang lawchin chienga theipha

- nawnlou a um chite bawllou hoi hi. A lawchinna dinga maitam i bawlsah leh lawchinna imu hun a zong Pasian kunga kipahthu genkawmna nei ding a zong manghillou ding ahi.
- j) Mimal, Innsung, Local, District level hitaleh polang mi thugen/resource a izah chienga hi sepsop in, phe vengvung mai in silpieh bang zong hoitah a bawl in eima a ahichiengin a innsung chia ngaisahlou chite zong sil kilawmlou ahi. Bible in silhoi bawl tungtang ah “adiehin nangma innkuon sungah “ achi ngal a.
- k) Mipite’n bat a nei lou gou Gari/Gam leh adangdang ileite ah Siempite maitam bawl dinga chiel kilawmlou hi chi thei poimaw hi.’
- l) Kikhopna poupou a Pasian Siempite atel leh lamkaite’n chibai bawl a theipina bawl hoi hil. Chiellouna mun a zong koi ama khat in hing zawpi thei ahina ah theimaw kipan sil kilawmlou hi.

II. SIEMPI THEI DINGA KILAWM:

- a) Vaiguon khat poupou a chiel a i umleh ahuntah a tun ngeingei ding ahi. Vaigei kilawmlou hi.
- b) Vaiguon itel thei leh tel theilou ding chiengtah a gen ngal ding ahi.
- c) Vaiguon kimanna zieh/asan hoitah a thei a akituopi Bible chaang sim a thugen bawl ding ahi. Ahun toh kituohlou gamteng gen chite bawllou ding ahi.
- d) Vaiguon pang dinga um napia, ahun kuon a thei masahlou buoina bang ang um khah leh vaiguon abuoilouna dinga kitheisah ngal ding ahi. Ki theisahlou lah haw tuon lou in vaiguon subuoi chite umdan kilawmlou ahi.
- e) Vaiguon a ihaw chienga kilawm deu a kichei ding ahi. Apoimawna mun ah form sil ngeingei ding ahi.
- f) Vaiguon khat poupou ah chiel ihilouna mun a kitahla khah ding kiven ahoi hi.



“NEH THALAW BELAMPU”

- Upa S.K. Khama

Bible sim ding: (Jeremiah 10:21)

Keiman ka dawng a, “I lamkaite achavai gam ua; kipui huoi dan ding Mangpa a dong sih uhi. Tuazieh a lawsam ahi ua, tuachiengin imipite akithezah sieng uhi.

Chingtu leh kemtu, vengtu hina khu dinmun poimaw leh mopuohna lien mama ahi. Nachin/nakep khat na chinla a nakepla a na sietsah leh na tungah mopuohna atulien mama ding chi musa ahi. Mopuohna lah azong sildang sangin mihing tahsa leh hagau lam hinkhuo hoina leh phatna dinga mopuohnate alien deu dieh ding a jauhuoina lam ah gen lei zong azauhuoi zaw ahi.

Zawlnei Jeremiahin, Israel tate tahsa leh hagau lam a adinmun uh asiet dan amu hi. Tahsa lam dinmun ah itna, deisahna, hawmsiemna, atasam ua, mani kihisahna lam ah alut ua. Hagau lam ah Pasian toh kal ua apalai uleh alamkaite uh Siempuliente leh dansiem syeten apui uh mipite apuila uhi. Pasian danthupiehte a zomla ua, Pasian abela ua, thu-khat, la-khat

poupou ah Jawlnei tungtawn a Pasian doh ding a don sesih uhi. Pasian adohlou ziehun asepnah uh akhangtou sih a, masawnla in ginna lam ah akiemsuh uhi. Tuachiin a Belam te uzong hagau ann khamla in anguisuh suh ua, halna, kipahna, thanopna chite neilou in aum ua, tuachia lungsim awnga aumpet chien-gun leitung sildang in alungsim uh aluo dimta a, tuachiin tahsa in taizah vateh sih nanulezong lungsim leh ginna ah Pasian apat in ataizah ta uhi.

Ei Hattuum te leh Hattuum lamkaiten zong tami thute i etphat uh ngai ding hi. Lam tampi ah atunga i Bible tangtel utoh ikibahna uh um leh kilawm mama hi. Hattuum sungah leh level tuomtuom ah lamkaitu/ makaitu i um ua, tua lamkaitute khu apuitu uh hoina leh sietna a mopawtute ahi uhi.

Undelivered
Please return to:

The Editor
Christian Tangkou
 ZPCS Office, Zomi Colony
 Churachandpur - 795 128
 P.O. Box - 48, Manipur, India
 e-mail: zpcs@rediffmail.com; zousynod05@gmail.com

Synod thu-le-la na thei ut leh
"JOIN Khristantangko"
chiin 09219592196 ah SMS thot in

To

[illegible]

Edited and Published by the Editor on behalf of the Zou Presbyterian Church Synod



A Monthly Christian Magazine
An Organ of the Zou Presbyterian Church Synod

Khristian Tangkou

Vol. 49 || No. 11

Suopat kum: 1964

NOVEMBER, 2013



Editor: **REV. STEPHEN CHINZATHANG**

Khristian Tangkou

Vol. No. 49 || Issue No. 11 || November, 2013

Editorial Board

Editor	: Rev. Stephen Chinzathang - 9863042789 ct_stephen@yahoo.com
Joint Editor	: Rev. P. C. Manga - 9856130542
Cir. Manager	: Mr. Jamsianmung - 9862086615 sianmung@rediffmail.com
Bus. Manager	: Rev. Kamkhosoi - 9612850245 pastorkamsoi@gmail.com
Cont. Editors	: Upa S.K. Khama - 9856406454 Rev. Awnkhankhup - 9862828921 Rev. M.G. Nehlien Pro. Pastor Kaimuanlal

ZOU SYNOD ULIENTE

- **Moderator:**
Rev. Awnkhankhup
- **Moderator Elect:**
Rev. Hangpi Manlun
- **Secretary Sr.:**
Upa T. Lamkothawng
- **Secretary Jr.:**
Upa Khupsuankham
- **Treasurer:**
Upa M. Kamzadou
- **Statistician:**
Upa T.C. Pau
- **Exe. Secretaries:**
Rev. Stephen Chinzathang
Rev. P. C. Manga

Copies - 1000

AMAN		
Kumkhat ah	- ₹	50/-
Post ah	- ₹	100/-
Copy khat ah	- ₹	6.50/-
Life Member Fee	- ₹	1000/-
Patron Member Fee	- ₹	2000/-
Memorial gift	- ₹	2000/-

A sung thu

- | | | |
|-----|---|----|
| 01. | Editorial..... | 01 |
| 02. | Thu tuomtuom leh
Thumpi dingte..... | 04 |
| 03. | Report..... | 06 |
| 04. | Hundam tate hinkhuo | 07 |
| 05. | Kizah dan kilawm | 10 |
| 05. | Neh thalaw belampu | 13 |
| 06. | Biometric Census leh
Zaguh, sawmguh leh guh
(666) | 15 |
| 07. | ZPWF Column..... | 22 |

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Pu S. Nangkhanlal	11. Pu S. Lamkothang	12. Upa Dr. M. Lachinkhai
13. Upa Khamchinjam	14. Upa (L) D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. Retd. V.Vungzalian	20. Rev. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhanniang
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Pu Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Shie Khamzathang	63. Pi Donchin	64. Upa Liankhanmang
65. Pu Hauchinlun	66. Pu T.S. Lal	67. Pi Goichiin	68. Pu T. Khupchinthang
69. Pu T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P.K. Soia	82. Pu Goukhai	83. Pi Niangkhanmang	84. Evan. G.L. Joshya
85. Pi S. Chingkhanmang	86. Pu Vumchinkhup	87. Upa Khaihenthang	88. Upa T.C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. Pu T. Kuppa	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100.Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105.Bhim Prasad	106. Rev. M.Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Pi Chinnu	101. Pu Hauliankap	112. Nh. Deborah Zou
113. Pu Kamgenpau	114. Rev. Mangsuanthang	115. Pu Lamchinhau	116. Upa Pauchinlel
117. Kimneihoi	118. Nh. Niangsuannuam		

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanniang	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Pu Kulthang